

中國方志叢書·華中地方·第一〇九號

據

清·李賓陽修趙扶友等纂
清同治十年刊本

影印

江 西 省

興安縣志

(全)

成文出版社印行



10096870

熙癸亥有胡志丁酉有孔志亦越
乾隆十一年有劉志四十九年有
雷志此數志者或存其序而亡其
書或續其書而斷其簡惟道光四
年甲申之申志稱完璧焉遙遙溯
之以此見我

朝二百餘年以來教化覃敷不遺小
邑而諸大夫奉行維謹因革損益
之咸宜積之既久發之彌光不然
地猶是古之陶地民何以大異於
當時陶民之獷悍哉予自同治五
年承乏茲土每當飲射讀灋之餘

熙癸亥有胡志丁酉有孔志亦越
乾隆十一年有劉志四十九年有
雷志此數志者或存其序而亡其
書或續其書而斷其簡惟道光四
年甲申之申志稱完璧焉遙遙溯
之以此見我

朝二百餘年以來教化覃敷不遺小
邑而諸大夫奉行維謹因革損益
之咸宜積之既久發之彌光不然
地猶是古之陶地民何以大異於
當時陶民之獷悍哉予自同治五
年承乏茲土每當飲射讀灋之餘

徵文考獻陶瑄山陳文正公之相業猶有能道之者乎是其為人也
能撐半壁於江南者也重山謝疊山先生書院其咏歸門明經堂遺跡猶有存焉者乎是其為人也
能以忠義教民者也他如立先農壇

以勸農設課士館以取士吟汪提學乞養詩以著孝讀費學士雙節序以旌節以及山川之險阻戶口之盛衰賦稅之盈縮詳而考之精而思之志也即治也治也即道也由一邑推之而府而省而一統其

治道大都如是也所謂持此以往可以治天下者是耶非耶今奉上憲檄飭纂修自揣生平六經諸史烹煮未熟兼之宦途奔走筆硯荒蕪爰邀學博趙君松友陳君壽田邑明經楊君鎮甫相與刪繁補

缺刊謬存真夫豈敢言著書哉亦欲使前之作者不至於失傳後之述者不至於無考地雖二十一里志仍五十四門庶幾知戰國之滕猶可為善國魯之武城猶可化絃歌况賴

皇上如天之福狂寇掃平此正萬方臣
庶所當歌咏隆平之會則此次纂
修愈見文運光華矣於戲盛哉
同治十年歲辛未仲冬上澣

特授廣信府興安縣知縣桂林李賓暘

撰并書



興安縣志

序

五

興安縣志卷首

上諭

景星慶雲天之文也名山大川地之文也曲禮經禮人之

文也典謨訓誥誓命帝王之文也

聖皇在上兼三才而立極約十體以摘華裔哉皇皇

德音流播洵足軒輦萬姓彪炳萬年已雖累牘長篇不能備錄

而窮鄉僻壤罔弗咸遵與即彈丸敢自外於

教化乎恭志

上諭

興安縣志

卷首

上諭

世祖章皇帝登極恩詔 順治元年

奉

天承運

皇帝詔曰我國家受

天眷祐肇造東土

烈祖邁圖鴻緒

皇考廟廓前猷遂舉舊邦誕膺

新命迨朕嗣服雖在冲齡締念紹庭永綏厥位頃緣賊氛洊熾

禍極明朝是用托重親賢救民塗炭乃方馳金鼓旋奏澄清

既解倒懸非富天下而王公列辟文武羣臣暨軍民耆老台
詞勸進懇切再三乃於今年十月初一日祇告

天地

宗廟

社稷即皇帝位仍建有天下之號曰大清定鼎燕京紀元順治緬

維峻命不易創業尤難况當改革之初更屬變通之會爰乃

酌今準古揆天時人事之宜庶幾吏習民安彰

祖德

宗功之大所有合行條陳臚列如左

興安縣志

卷首

上諭

二

諭各陳利弊 順治十二年

上諭吏部朕撫育萬方夙夜祇懼講求愛民之道不啻三令五

申乃年來水旱相尋干戈未靖民窮莫極兵食不充上德弗

宣下情壅塞所以致此弊非一端朕已廣開言路博詢化理

復念天下至大民情土俗所在不同地方各官身親實歷凡

兵民疾苦政事利弊必有灼知於心耳聞目見最為真切今

文官自督撫以下知府以上武官自提督總兵以下副將以

上管轄之內職掌事宜向來積弊何以得清見今整頓如何

而可俱著詳切直陳無隱以資採用司道知府副將著各陳

奏一次知其病即備其藥言其害即舉其利毋得浮泛雷同
苟且塞責負朕周諮勤民至意爾部即傳諭行特諭

諭興教化 康熙九年

上諭禮部朕惟至治之世不專以法令為務而以教化為先其
時人心醇良風俗樸厚刑措不用比屋可封長江久安茂登
上理蓋法令禁於一時而教化維於可久若徒恃法令而教
化不先是舍本而務末也近見風俗日弊人心不古囂凌成
習僭濫多端狙詐之習日工訟獄之興靡已或豪富凌轢孤
寒或劣紳武斷鄉曲或惡衿出入衙署或蠹棍詐害善良甚

興安縣志

卷首

上諭

三

符之劫掠時聞 見陋法網刑所必加誅之
則無知可憫宥之則憲典難寬念茲刑辟之日繁良由化道
之未善朕今欲法古帝王尚德緩刑化民成俗舉凡敦孝弟
以重人倫篤宗族以昭雍睦和鄉黨以息爭訟重農桑以足
衣食尚節儉以惜財用隆學校以端士習黜異端以崇正學
講法律以敏愚頑明禮讓以厚風俗務本業以定民志訓子
弟以禁非為息誣告以全善良誠窩逃以免株連完錢糧以
省催科聯保甲以弭盜賊解警忿以重身命等項作何訓迪
導及作何責成內外文武該管各官督率舉行爾部詳察

典制定議具奏特諭

諭副將叅將遊擊等官 雍正元年

朕惟國家兵制凡疆宇要地既設提督總兵統率鎮守又設副
將叅遊分列營伍遞相鈐轄蓋從古治兵有大帥必有偏裨
所以宜揚威武協贊軍機收指臂之效奠磐石之安也爾等
所屬地形有險易兵數有多寡各宜預定練兵之法親校騎
射嚴試技勇簡拔驍銳更換老庸務令一營士卒人材雄健
武藝精嫻又時教以行陣使之步伐進退井然有法日演月
習氣壯心齊自成有制之師而無難折衝禦侮矣乃有不肖

興安縣志

卷首

上諭

四

將弁不勤訓練按籍徒有虛名責效毫無實濟營伍廢弛為
害最大其弊由於將弁之貪利而廢法一在冒虛糧而兵無
實數一在剋月糧而兵有怨心上虧天家之糧餉下廢窮卒
之脂膏身司戎務而不能兼正以服眾雖日示訓練之法誰
為之踴躍用命乎爾等遇有兵丁空缺即選力勇技精者補
足隊伍至於馬步各糧按期領給不得剋減分毫古之良將
多以愛恤士卒克建膚功投醪扶犢之風爾等宜知嚮慕焉
官軍之協守一方所以捍衛一方之百姓故曰設兵以衛民
也防亂於未萌緝奸於已發俾居民安家樂業共享昇平自

然受兵之利而不受兵之害倘或約束不嚴縱兵肆虐誘賂放債恃強奪利甚至地方小警漫不防禦緝捕以致奸宄滋蔓徒卸責於有司文武失和秦越相視殊背國家設兵鎮守之意律法具在罪有攸歸至於爾等簡用督撫中軍責任匪輕尤宜潔已奉公恪遵法紀至都司守備千總把總等員各有城守汛防之責亦宜努力稱職自奮功名朕念爾等曾受皇考選擇之恩自應保守前勞力圖後效果能整飭戎伍凡著干城之望朕自不惜寵以崇階倘若廢弛武備侵漁嫫芻甚且妄執武官不惜死之言恣意逞威虐民生事爲害於地方王法森嚴決難輕貸特諭

興安縣志

卷首

上諭

五

御製

聖諭廣訓序

雍正二年

書曰每歲孟春邁人以木鐸徇於路記曰司徒修六禮以簡民性明七教以興民德此皆以敦本崇實之道爲歸民覺世之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠其成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習

皆

睿慮之所周視爾編氓誠如赤子

以

聖祖之心爲心以

聖祖之政爲政夙夜匪懈率由舊章惟恐小民遵信奉行久而或

怠用申誥誠以示提撕謹將

興安縣志

卷首

上諭

六

上諭十六條尋繹其義推衍其文其得萬言名曰

聖諭廣訓旁徵遠引往復周詳意取顯明語多直樸無非奉

先志以啟後人使羣黎百姓家喻而戶曉也願爾兵民等仰體

聖祖正德厚生之至意勿視爲條教號令之虛文共勉爲謹身節

用之庶人盡除夫浮薄器凌之陋習則風俗醇厚家室和平

在朝廷德化樂觀其成爾後嗣子孫並受其福積善之家必

必有餘慶其理豈或爽哉

諭日月合璧 雍正三年

上諭據欽天監奏稱雍正三年二月初二日庚午日月合璧以

同明五星連珠而其貫宿躔營室之次位當椒訢之宮爲從來未有之瑞應請敕付史館等語朕惟日月五星通行於天本有常度是以從古歷元可坐算而得然古稱高陽時五星會於營室漢帝時五星聚於東井宋祖時五星聚於奎壁史書皆紀以爲祥蓋七政會合數雖一定而遭逢其時者實海宇昇平民安物阜之會也若以爲德化所致朕方臨御二載有何功德遠能致此嘉祥皆由我

皇考六十餘年聖德神功蟠天際地爲千古不世出之君爲

上天第一篤愛之子所以純禧駢集歷數綿長錫祚垂光至於今

興安縣志

卷首

上諭

七

日觀此難逢之嘉瑞朕嗣統以來兢兢業業率由舊章惟以

皇考之心爲心以

皇考之政爲政宸圖事罔敢稍越尺寸故邀

上天垂鑒仍如

皇考之御宇綏猷而錫以無疆之福也朕幸逢嘉會不但不敢自

居亦且不敢自謙總由

上天申眷

皇考朕與天下臣民同在福祐之中當與天下臣民共慶之所奏

着付史館并頒示中外該部知道

諭正士習 雍正四年

上諭爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶勤修讀立品之輩而蕩檢踰閑不顧名節者亦復不少或出入官署包攬詞訟或武斷

興安縣志

卷首

上諭

八

鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之風而內外諸臣條奏中臚列諸生之劣蹟請行嚴懲者甚多朕思轉移化導之法當先端其本源教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡一

事任教官之因循怠惰苟且塞責漫不加察所以倡率之本不立無怪乎士習之不端而風俗之未淳也朕孜孜圖治欲四海之大萬民之眾皆向風而慕義草薄而從忠故特簡督學之臣慎重教官之職欲使自上而下端本澄源以收實效也凡爲學臣者務須持正秉公宣揚風化於教官之稱職者卽加薦拔溺職者卽行參革爲教官者訓誨士子悉秉誠心如父兄之督課子弟至於分別優劣則至公至當不涉偏私如此各盡其道則士子人人崇尚品詣砥礪廉隅且不但自淑其身而羣黎百姓日聞善言日觀善行以生其感發之心

興安縣志

卷首

上諭

九

風俗之丕變庶幾其可望也特諭

諭辯禮義廉恥 雍正五年

上諭近因考試新科進士以宋儒所云士人當以禮義廉恥爲論題諸進士試卷近呈朕躬自披覽見其文藝之工操饒劣固有不同然大槩皆詞章記誦之常談見解卑淺識量狹隘未能眞知題中之理蘊而實有發明蓋所言止於儀文末節而已非禮義廉恥之大者也朕則謂古人言禮義廉恥國之四維者蓋以天下之大四海之眾皆範圍其中而不可須臾離而士人貴有禮義廉恥之說所指甚遠所包甚宏上之

興安縣志

卷首

上諭

十

爲人君下之爲人臣皆當求其大者以爲務而不可屬於儀文末節之間也以禮言之如化民成俗立教明倫使天下之人爲臣者皆知忠爲子者皆知孝此禮之大者也進退周旋俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出入必謹此義之小者也以廉言之理財制用崇儉務本使天下之人家給人足路不拾遺盜賊不生爭訟不作貪官汚吏無以自容此廉之大者也簞食豆羹一介不取此廉之小者也至於以恥言之爲人君者憲天出治誠和萬民則當以一夫不獲其所爲恥爲人臣者行義達道兼善天下則當以其君之不爲堯舜爲恥若夫迂拘曲謹如鄉黨自好之類不夫言於人不失色於人此乃知恥之小者耳曾何足以盡有恥之道乎欲爲君盡君道欲爲臣盡臣道而其道實不外禮義廉恥之四端士人者必當以天下爲己任其身卽爲臣之身而有致君之責者豈可徒知禮義廉恥之節而不知知禮義廉恥之大者乎夫禮義廉恥由一端之小者擴而充之皆可以保四海然必知其大者而務之自可不遺於其小若或徒窺小節而不知其大則迂拘曲謹止園檢束一身而不取

任天下之重此則細人之行而非士人之道也孔子曰人能宏道非道宏人其可不勉自奮立乎朕引見新進士之時即欲面加訓諭因天氣炎熱恐伊等暫時跪聽不能悉心領會今特詳爲宣示朕願與大小諸臣交相儆勉詳思禮義廉恥之大者身體力行則人心風俗蒸蒸日上而唐虞三代之治庶幾其可復見矣特諭

諭取士 乾隆四十三年

上諭文以明道自當以清真雅正爲宗朕會讀誦訓諭而文風總未能醇蓋非一朝一夕之故本年會試闈中進呈前十名

興安縣志

卷首

上諭

十一

卷朕詳加披閱文體較爲純正尙不失制義之本發榜後詢之大學士于敏中據奏近年風氣喜爲長篇又多沿用墨卷膚詞爛調遂爾冗蔓浮華卽能文者亦不免爲趨向所累等語士子平日殫心經術探討古文及時文諸大家以立其體作文尤須體會先儒傳說以闡發聖賢精蘊獨出心裁屏除習見語其文自然合度何必動輒千言因陳不察耶昔陸機云要辭達而理舉固無取乎冗長韓愈云惟陳言之務去二語實文章正鵠士子宜深味乎其言嗣後鄉會兩試及學臣取士每篇俱以七百字爲率違者不錄其庸熟墨派悉行剔

除又或過爲新奇墮入牛鬼蛇神惡道尤在所澄汰操觚者慎毋掉以輕心司衡者各宜示以正軌務期風會蒸蒸日上以副朕崇雅黜浮之至意將此通諭中外知之欽此

諭講朱子全書以端士習

嘉慶二十二年

上諭御史卿祖培奏請勸各省學政講明朱子全書以端士習一摺教化爲立政之本以正人心以厚風俗非特各省學政當講明正學以端士習卽督撫藩臬以至道府州縣各有治民之責皆應隨時化導俾小民遷善遠惡力返淳風宋儒朱子全書固足以闡明經術而五經及四子書炳若日星若在

興安縣志

卷首

上諭

十二

官者各能身體力行以爲編氓倡率亦何不可收世道人心之益朕前降諭旨令牧民者惟以孝弟忠信禮義廉恥爲民之先務直省大小官吏果能仰體朕意實力奉行廣爲勸諭使父誡其子兄誡其弟久之漸摩成習薰德而善良者眾口計雖不足月計則有餘也其有愚頑梗化之徒徂於邪說則明刑所以弼教化導與懲創相輔而行使民知畏法而生懼心卽漸知慕義而生愧心至於有恥且格則經正民興自無邪惡矣將此通諭知之欽此

諭端士習 道光十五年

論御史俞焜奏嚴核優劣以端士習一摺從來民風之醇樸由於士習之端謹凡有教士之責者不徒課以文藝務在敦崇實行嚴為旌別以樹風聲若如該御史所奏近來各地方官於貢監生員併不隨時稽察教官舉報優行人數日增不無冒濫其有素行不端者類皆徇隱不報刁劣之徒肆無顧忌往往出入公庭勾串書吏或以他人漕糧出名包攬或以不干已事聯名訟訐逞筆舌以玩法恃衣頂為護符甚至勢壓鄉閭挾制官長犯法滋事日積愈多於風俗人心大有關係不可不嚴行甄核著各直省督撫府尹學政嚴飭地方官

興安縣志

卷首 上諭

十三

暨各教職務須隨時訓誡認真稽查舉優者勿徇虛名報劣者毋許姑息倘仍瞻徇隱匿致釀事端即將各該地方官及教職從嚴參辦決不寬貸將此通諭知之欽此

興安縣志 官階

頭品頂戴兵部侍郎兼都察院副都御史巡撫江西等處地方兼理糧務兼提督銜碩勇巴圖魯劉

欽命江西等處承宣布政使司布政使加十級紀錄十次

欽加布政司銜江西等處提刑按察使司按察使加十級紀錄十次 俊

興安縣志

卷首 官階

十四

欽命江西通省督糧道兼巡南撫建地方兼管水利驛務加十級紀錄十次 平

欽命江西全省鹽法分巡瑞袁臨地方兼管驛務水利道加三級隨帶加二級紀錄十六次 吳

欽命江西分巡廣饒九南兵備道督理九江關稅務加十級紀錄十次 景

特授江西廣信府正堂加十級隨帶加四級紀錄十次 聘

興安縣志 目錄

卷首

上諭

官階

序

卷一

目錄

原序

凡例

興安縣志

卷一

目錄

一

繪圖

卷二

地理志

星野

疆域

沿革

卷三

地理志

山川 形勝附

水利

卷四

地理志

津梁 關隘附

古蹟 坊表附

風俗

物產

卷五

建置志

興安縣志

卷一

目錄

二

城池

壇廟

公廨 試院附

寺觀 育嬰堂養濟院漏澤園附

卷六

食貨志

戶口

田賦 額徵蠲緩雜課附

倉儲

漕運 屯田附

驛鹽 驛鋪附

卷七

學校志

學宮

學制 學額 學田附

書院 社學附

卷八

武備志

興安縣志

卷一

目錄

三

兵制

武事

卷九

職官志

文職

武職

名宦

卷十

選舉志

薦辟

進士

鄉舉 五貢 解飲耆碩 壽民附

仕籍 封爵封贈附

卷十一

人物志

名臣

官業

理學

興安縣志

卷二

目錄

四

儒林

文苑

卷十二

人物志

忠義

孝友

善士

隱逸

方伎

卷十三

人物志

列女 節孝貞烈壽婦

寓賢

卷十四

藝文志

文徵 文

卷十五

藝文志

興安縣志

卷一

目錄

五

文徵 詩

金石

卷十六

雜類志

仙釋

坐墓

祥異

軼事

興安縣志原序卷一

原序

明邵伯悌

天下山川犁然縷析其間風氣漸開生齒繁盛不有以職長之迪教之則民獻弗興民生弗安是故經畫區分立政建官勢所不可以已焉者也興安故橫峯窰壤隸弋陽因處民遷此以陶爲業習俗剽悍不遵法度時或騷動正德間設府判以臨蒞而撫綏之嘉靖庚申歲當事題請議割上弋鉛三邑共三十里後新安江公復議請割上弋二十一里制曰可今劉侯以邑名興安凡可以興而安之者盡

興安縣志

卷一

原序

一

心力而爲之三年於茲百務具舉士丕變而民向化復見循良風烈矣適郡檄言茲邑不可無志侯喟然曰輿地之籍昉於八索厥後李吉甫作元和郡邑志謂執此可以治天下真名言哉乃倣大明一統志例大書者八畫地分屬作壤書賦役戶口作甸書官秩之設作職書教化之崇作迪書其辟舉科甲選書錄之名賢人物闡書記之文翰詞章藻書載之古蹟祥異封書括之舉一邑之典章文物機務體要而統之八書卽八索之意詳而覈簡而該執此理興繪運諸掌乎雖然山川一也有稱重於天下而不朽者

存乎其人焉耳桐江有嚴子陵後名其州巨嚴以人重也

魯公令中牟朱公令桐鄉迄今稱之曰魯中牟朱桐鄉是以令重也侯嚴之賢彥而著循良之績天下將指而稱之曰劉興安不與中牟桐鄉並烈也哉

原序

楊時喬

善治者師先王其下師心師心者用智智有時窮乃任法法久恒弊弊極不反民亦起而以智鬪與法競害斯成矣及其害而謂民心非昔難與理也豈其然哉師先王者觀廣谷大川異制民生其間異俗又體名山大川不以封使

興安縣志

卷一

原序

二

王官監治之意凡封境多山谷爲草木禽獸所產勢恒險阻而寶藏之興則利壤多水川爲龜鼈蛟龍魚鰲所產勢恒沮洳而貨財之殖則利藪勢在惟民易聚利在惟民好爭聚而爭卽訟訟卽師先王察其異俗也政由俗革勢則順而平之利則導而布之如不可導布斯屬之法制欲其不訟不師並生無虞此王制亦王道也是故求治不師先王而師心縱微小績亦苟道也我江省介名山大川信負郡鄰浙山常居土田十之七八勢險阻而銅塘以銅鐵山以鐵平洋以鐵靈山以晶稱利壤我朝郡初隸浙卽以隸

江故田賦兼則江浙乃重又利壤故嘗有聚而採者然亦以產少流徒寇爭難散屢勞興師法制始嚴至今尙賴司封守者輯甯而橫峯巖勢險阻山土可陶浙之龍泉民來據爲利已而土盡轉取他山器粗貨難乃習俗剽悍聲氣若厲而木隸上弋版圖不遵法制敢于自鬪出則協黨正嘉間恣矣省臣請銓郡倅專鎮之庚子歲役重恣始謀建邑省上諸公案議割上弋鉛三邑共三十餘里而哀永玉之里補上饒袁貴溪之里補弋陽以前所割建萬年之里還貴溪未幾恣者已辛酉復梗議太守新安江公復議僅

興安縣志

卷一 原序

三

割上弋二十一里郡人欲如庚子議無言者江公夙尊禮先人以言之江公曰君遠謨敢不從第念窳民非負固不服者暫假上弋兩縣漸摩仁義之友民以馴化之如悛可勿設若庚子議罷民重擾于是設邑不改都而邑立自此懲法馴化特地隘民貧不足以供賦役禮儀民亦欲勿設如江公擬者余謂是在良令節約安定之爾前年分小劉侯令此侯長于文學習于吏事踰年而群宜修諸廢興神采煥觀念新邑不可不志亟請俞于巡道房公學道沈公邵侯孫公陳公樊公遂自主畫屬邑博周君詹君邑士

陽君各纂訂焉工畢俾來問序乃其志凡八書書各數目詳夫邑所從立政所由行而禮教未孚則禮儀纖悉訓歌條節萃焉人物惟列嘉靖丙戌前郡乘者七以後不錄豈故遺哉無乃賢否不齊仕論鄉評莫掩將博書而法不得濫將擇書而是不能持此志家自昔稱難以鮮能公故缺之實憤之俟之君子可以觀世已顧余于茲邑始同根土今有枝幹相附之詣嘗追惟其初爲橫峯梗民者豈獨民亦師心者用智任術弗善馭之適觀其後爲興安馴民者豈獨民亦師先王者順勢利導能善馭之王道可舉而民

興安縣志

卷一 原序

四

心可與爲理吾因是決之也自今馴而往邑隘民貧可若江公議勿設乎哉竊意權不可預立志亦言邑以時勢使然善通變者可因則因可革則革期與民宜之誠有見之言哉余方在假猶縷此叙志叙志所以叙治理也

原序

高夢說

廣信豫章之曹滕也興安又廣信之邾莒也置縣始明嘉靖中迄今垂百有餘年斗大一城居民內外數十家長吏皆卑棲短垣晨夕食一莖菜必轉而求之他邑其餘從可知矣顧其文學獨不甚後於他邑其賦較他邑才什之三

催科稍峻則咸搗手曰使君纔我急若掛蒲鞭壁上則又掉臂去雖牽其衣疾呼之亦不應且其地爲由府詣省必經之道不甚僻左故邑雖小頗糾劇難治北平劉君儀龍來令與謁予於郡布衣木簡惻惻無華予卽臆決曰大夫也必於邑宜未數月微聞君首剔胥徒奸利窟宅咸不敢飾片蹶取民間一簪又躬於署隙闢圃藝蔬不取民縷絲莖稻門無襍走使勁褐溫習皆忱惕不敢言地方事予竊意曰與令君治狀果美若是乎會予以賑饑行部入其境而田野闢及其郊而道路修至其邑而父老子弟咸相告

興安縣志

卷一

原序

五

曰劉使君幸活我予然後知君之治狀果信而有徵也王子冬適奉憲檄徵志予卽下之七邑私計興立縣百年來未始有志事爲其創軼他縣應倍難顧劉君書成獨先甫脫藁卽賣示余發凡起例體裁甚正屬辭甚雅凡百年內一邑之故網羅無遺予讀竟喟然嘆曰語云有真經濟者必有真文章古人豈欺我哉予往往見登高能賦扣鉢成詩之流才非不雋而案牘全集則攢眉蹙額若難終日或肩膝筦綸計量米鹽之輩事非不辦而掉鞅藝苑則摧輓敗壞苦無良步此非二者之難兼蓋未嘗太之於儒術也

儒者湛深經術於事業文章平日講求有素則循吏儒林自可合爲一傳劉君固儒者以儒術應天下無所不濟茲編特其緒餘耳君曰此書之成強半藉手於孝廉鄭君大雅寵特一剪裁之而已鄭君工詩善屬文與予善劉君能不沒人之勞余尤嘉之時康熙十二年歲次癸丑仲春穀旦

原序

侯七乘

王子秋予除授廣信府同知八月抵任越十月以公事往省廻道經興安與爲信州屬邑同知雖治局亦以上司呼

興安縣志

卷一

原序

六

之而例得信宿於憲署焉入城見茂草載道巷無居人及進署又見門無板簷無瓦居無四壁斜風細雨木落天高寒蟬叫濕孤雁嘹空滿目蕭瑟之狀求一牀一几一椅一凳以共欠伸偃仰了不可得是時縣正缺人越明年新令劉君至予未暇悉其官況何似然每見予則未嘗不蹙額攢眉咄嗟感嘆也蓋極天下渺小殘破荒僻窮苦之所未有甚於興邑者矣今歲例修邑志興邑亦以志書來予予取而觀之不覺色然喜適然訝也何則志之爲言謂其有可志而志之也興之爲邑予幾疑其無一可志矣乃他邑